



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm XXXVII. Cùm causa.

---

[urn:nbn:de:hbz:466:1-62587](#)

4. *Litigans crebris testimoniis productionibus litem protrahens, & in probatione deficiens, condemnari debet adversa parti in expensas.*
1. **N**ot I. Etsi actor in libello utrumque judicium petitorum & possessorum recuperandæ proposuerit, & super utroque testes produxerit, potest tamen petere à judece, ut suspenso petitorio, si causa proprietatis non satis liquidata sit, possessorum tantum definiatur, de hac re dictum fuit in c. 2. &c. *Pastoralis. 5. De causâ possessi. & proprietatis.*
2. **N**ot. II. Successor universalis agere potest interdicto, unde vi seu judicio recuperandæ possessionis, si antecessor spoliatus, seu vi deiectus sit de possessione. *I. i. de vi & vi armatâ. 9. hoc interdictum, & heredi, & eateris successoribus competit.*
3. **N**ot. III. Si quarta testimoniis productio legaliter facienda negetur à judece sine causa rationabili, appellari potest intra dies 10. vide quæ dixi c. *In causis. 1. 5. hoc tit.*
4. **N**ot. IV. Si pars litigans aliis & aliis testimoniis productionibus litem protrahat, & postea in probatione deficiat, condemnari debet ad expensas parti adversæ præstandas, vt constat etiam ex cap. *Finem. 5. De dolo.*

## CAPITVLVM XXXVII.

## Cùm causa.

## PARAPHRASIS.

Controversia erat inter Archiepiscopum Ravennensem & communitatem Fuentinam super quorundam locorum jurisdictione, vt videre est cap. *Licet*: in eâ causâ lis coram Pontifice contestata erat, & juramentum calumniæ receptum, sed quia difficile & onerosum fuit testes Romam adducere, id est mandatur hic Episcopo Placentino, vt testes tum super negotio principali, tum super personis testimoniis, qui ex utrâque parte producti fuerint, recipiat, & diligenter examinari cu-re inquirendo de circumstantiis singulis,

videlicet causis, personis, locis, tempore, visu, auditu, scientia, credulitate, famâ & certitudine, eaque omnia plenè prescribuntur, quod si Fuentipi, aliiwè productionem testimoniis impedit præsumperint, ab Episcopo coercendi erunt. Verum ut nimia multitudo testimoniis refrænetur, ultra quadragenarium numerum non suscipiat, ita ut si Fuentini depositiones testimoniis, quæ coram Episcopo Ferrarensi & Abate Pomponensi factæ sunt, rata esse velint, & hi in numero isto computari debeant, alioquin cum attestations adhuc clausæ seu non publicatae sint, idem testes, si opus sit, iterum audiantur.

## SYMMA RIVM.

1. *An, in, & ex quâ causa judec possit examen testimoniis committere alteri, & cui.*
2. *Quæ cautela in eo examine adhibenda.*
3. *Quomodo examinandi sint testes.*

**N**ot. I. Si testes remoti sint, ut difficile ad judec accedere possint, tum judec alteri committere debet eorum examen, ita ut depositiones prescriptæ ad judec transmittantur, ita habetur etiam in *L. Indic. 18. C. De fide instrum.* quod judec examinationem testimoniis committere possit judicii territorij, vbi testes degunt, & mandare partibus, vt ibidem compareant, & idem habetur in *c. 3. De fidei sufficiens.* vbi tamen glossa monet, verb. *Transmittere*, id locum tantum habere in causis civilibus, non item in criminalibus, quippe in quibus ipsemet judec testes recipere & examinare debet, vt dixi in *c. Sigil. 10. hoc tit.* quamvis id consuetudine non ubique obseruatur, siquidem propter necessitatem, ne crimina impunita maneant, etiam in causâ criminali v.g. violata pacis publicæ, commissio examinandorum testimoniis absentium alteri fieri solet, teste Baldo *auct. Apud eloquentissimum. n. 1. C. De fide instrum. n. 1. Gail. b. 1. obser. 96. n. 10.* Id quoque consuetum, vt judec propter multitudinem negotiorum, testimoniis examen etiam in causâ criminali (nam de civili duibium non est, iuxta c. 2. *De jnd. in b.*) Notario

com-

committat, uti testatur *Farinac. de testibus. q. 77. n. 598.* Porro tametsi Notarii scripturæ propter officij eius obligationem magis credendum sit, quām testi, si postea neget talia se dixisse, nihilominus in causis criminalib⁹, alijsq; judiciis valde consultum est, vt testes etiam adhibeantur, sive judex cum Notario, sive Notarius absq; judice testes productos examinet, ut videlicet scriptura Notarii seu depositionum annotatio fidem pleniorē faciat, & oppugnari deinde non possit, si v. g. testes postea negarent se talia deposuisse, quā de re *Abbas hic in fine capiuli.*

Not. II. Testes diligenter examinandi sunt in primis de negotio rei gestæ, an sciant negotium gestum, & ut causam scientiæ dicant, quo sensu videlicet oculis, auribus &c. deprehenderint, sin autem res sensu perceptibilis nō est v. g. quod Titius sit dominus, tum alia causam scientiæ suæ afferte debent, quia v. g. legerunt testamentū, in quo ipsi Titio ager ille legatus erat, deinde examinari debent de loco, tempore & alijs circumstatiis pertinētibus ad facti declarationē & testium deprehendendum consensum vel disensem; deniq; de famâ & relatione aliorū, ipsorumq; testium credulitate, id est, num credant, vel etiam certi sint, rem gestam esse, abstinentiam tamen est non tantum ab incongruis, seu ad causam non pertinentibus, sed etiam à nimis exquisitis interrogatiis, consideratā tamen qualitate persona, quæ examinatur, uti videre licet apud *Farin. q. 73. n. 26. & 48.* addit hic *Imola n. 6. Abb. n. 13.* Si testis persona ignota sit, saltem generatim examinari posse, num sit criminosa vel aliter inhabilis ad testificandum. item an sit diues &c.

### CAPITVLVM XXXVIII.

#### Veniens.

##### P A R A P H R A S I S.

Archidiaconus Claremontensis electus fuerat in decanum, cūm autem aliqui ē capitulo se ei opponerent, causa commissa fuit judicibus, qui latā sententiā pro Archidiacono, cā ex parte mandarunt executioni, petebat itaq; à Pontifice Archidiaconus, vt juberet totam sententiæ executionem

fieri, sed alii procuratores se opposuerūt, eō quod sententia iniustè, & post interposiā ad Pontificem appellationē promulgata fuisset; cūm autem Archidiaconus procuratores nec admittere, nec eis respondere vellet, quod videlicet excomunicati essent, prodidit Petrus Subdiaconus afferens se in Decanum Claremontensem electū esse, idēq; decanatū ad se, non ad Archidiaconum pertinere, tunc Pontifex interlocutus fuit, audiendū esse Petrum, si in continenti suā intentionē probare posset, quod ubi testibus & instrumentis producatis fecisset, Pontifex interloquendo pronuntiavit Petri interesse, ac proinde se opponere posse, quare postquam lis inter Petrum & Archidiaconū contestata esset, tam super electione, quām super sententiā prius pro Archidiacono latā, quæsitū fuit ex Archidiacono, num attestations, quæ super præcedente articulo, an Petri interesset, latæ fuerant, in hoc principali iudicio admittere vellet, respōdit ille se admissurum, dummodū contra testimoniū dicta & personas obiciere possit, sed Petrus dixit, quod attestations illis uti nollet, cūm tantum super incidente articulo receptæ fuissent, līte non contestatā, quare vel eosdem, vel alios testes se denuo producturum super causa principali; Archidiaconus autē ex adverso opposuit, cūm testes tam super sententiā, quām super electione depositissent, & depositiones publicatæ & cognitæ fuerint, non esse concessum alios testes super articulis eisdem producere. His omnibus consideratis respondet ac mandat Innoc. III. vt testes ex utrāque parte producendi super toto negotio recipiātur, & tam super causā principali, quām super incidente pronuntiatur, & quia ea, quæ in capitulo aguntur, nō facilius per alios, quām ipsos Canonicos nosci possunt, idē Claremontensis Ecclesiæ Canonici ab excommunicatione absolui debent ad cautelam, vt testimoniū pro utrāq; litigantium parte proferre queant.

##### S U M M A R I U M

- Ob duas præcipue causas sententia nulla est,

PP

¶ cina